

香港文匯報訊(記者植毅儀)王祖藍與李亞男結婚3年,一直都好努力造人,昨日終於有好消息!亞男昨日晒超聲波相報喜,宣佈懷孕,又加上「Love you」及心心圖案,心情興奮,並寫道:「今天我們拍拖9周年紀念日,很興奮感恩可以在這個特別的日子宣佈我和祖藍將迎接一個新生命嘅來臨! so blessed to have a new life in our family! Happy 9th anniversary!」而好姊妹王君馨同苟芸慧均替亞男開心,而君馨更表示隨時ready做契媽。



祖藍與亞男今年成功造出「愛情結晶品」。資料圖片

# 拍拖9周年紀念日 晒超聲波照報喜

# 祖藍亞男結婚3年 造人成功




昨日祖藍與亞男於社交網宣佈有喜!準爹地祖藍好開心話:「首先好感恩喇,可以晒拍拖9周年紀念日去宣佈呢件事,我晒拍拖嗰時係2009年,咁啱9年後有個小朋友,咁希望所有嘢都可以長久久久。亦都好感謝上帝,幫我晒安排晒所有嘢都嘢計劃入面進行,真係好感恩。」祖藍更叮囑大家幫忙「睇住」老婆,盡顯「暖男」本色:「做媽媽真係好辛苦,佢為BB付出咗好多,又睇書啦,又改變自己飲食習慣啦,又好緊張去預備好多嘢嘢,所以麻煩大家照顧佢。」

### 向鍾嘉欣宋熙年取經

而亞男就說:「好開心終於做媽媽喇,第一時間知道嗰陣真係好驚喜,同埋有啲唔敢相信。因為我晒雖然係plan今年做爹地媽咪,但有諗過咁快就實現到,真係好感恩。其實仔定女我都冇所謂,因為我都會好鍾意。最緊要係BB嘅成長過程夠健康,同埋佢嘅成長夠開心快樂。」

亞男又謂已向一眾好姊妹分享喜悅:「我有向鍾嘉欣同宋熙年取經,問佢哋有咩嘢唔食得,同埋可唔可以做運動,真係好多好多問題想問,始終自己冇經驗。」她又謂為了BB着想,已對十分喜歡的食物盡量say no:「我食少咗好多甜品,同埋飲少咗



### 閨蜜王君馨想做契媽

閨蜜王君馨表示為對方開心及送上祝福:「首先好開心,因為佢ready想做媽咪有一段時間,所以現在佢好健康、好幸福咁佢一個BB。呢段時間佢都學做一個好老婆,成日煮嘢食。Leanne(李亞男)一向是一個好有愛的人,相信佢是一個好媽媽。祝福佢非常健康,呢幾個月心情可以好好,有多啲時間休息。佢有咩需要,我們都在佢身邊陪伴佢。」問到會否想做契媽?君馨說:「如果Leanne想,我好樂意的。Happy to be here n love her n support her。」

苟芸慧開心回覆:「恭喜祖藍同亞男,好期待見到佢哋BB出世,佢哋一向都好鍾意小朋友,亞男性格賢淑,相信一定會係個好媽媽,真係好開心!」

另一個好姊妹岑麗香就稱比大家早少少知道喜訊,當時已當面恭喜亞男,「當面恭喜佢哋!同祝Leanne佢BB佢得唔辛苦同到時順利生一個好得意嘅肥白白B!」



亞男上月穿婚紗拍攝時特意用花球遮肚。《時尚新娘》提供



「索爆人妻團」再有成員成為媽媽。資料圖片

日前李亞男公開亮相時已見發福。資料圖片

## 賀王祖藍榮升做老竇 林欣彤望BB頭腦似老闆



林欣彤自言之前不察覺亞男有喜。

香港文匯報訊(記者梁靜儀)林欣彤(Mag)與Super Girls及鄧小巧昨日以「愛心大使」身份出席《愛心滿東華免費醫療服務捐助計劃》啟動禮, Mag表示知道老闆娘李亞男成功懷孕,很替他們開心,她說:「我都係今日先知道,前幾日同李亞男食晏都發現唔到。」

她又稱會預備禮物,但還未決定買什麼,問到她可知BB是男定女? Mag說:「唔知,冇追問,畀啲空間佢哋,今日佢哋應該好忙。」說到王祖藍叫大家猜BB會較似爸爸還是媽媽? Mag笑言要看BB是仔或女:「其實似個個都有所謂,如果係女仔,高矮都冇所謂,女仔細細好可愛,高身材會好靚, (如果生仔呢?) 男仔身高似老闆,希望頭腦似老闆,不過BB似個個都好,到時一定萬千寵愛。」她謂雖然身邊很多朋友都成家立室,但認為感情急不來,暫時她想努力賺錢。

Super Girls昨日五缺一,成員之一的李靜儀去了韓國出席活動。她們表示最近推出新歌《閨蜜專用》,是紀念一齊七年,之後會再推出一首快歌。陳穎欣(Yanny)表示之前一直有推出新歌,有人問她們是否已多解散,其實是誤會。她們又稱為了新歌近日再排舞,幸好舞技沒有生硬,但因為經常排到凌晨要食宵夜,結果胖了不少。

Super Girls昨日五缺一,成員之一的李靜儀去了韓國出席活動。她們表示最近推出新歌《閨蜜專用》,是紀念一齊七年,之後會再推出一首快歌。陳穎欣(Yanny)表示之前一直有推出新歌,有人問她們是否已多解散,其實是誤會。她們又稱為了新歌近日再排舞,幸好舞技沒有生硬,但因為經常排到凌晨要食宵夜,結果胖了不少。



黃百鳴不敢在孫兒前獻聲

### 黃百鳴不敢在孫兒前獻聲

香港文匯報訊(記者李慶全)「群星360馬拉松音樂會」昨日於機場舉行,創作總監周啟生邀請到黃百鳴、大AL及陳欣健等表演。其中黃百鳴上唱了兩首經典英文歌以及《男兒當自強》,獲現場觀眾拍掌讚賞,他表示跟周啟生相識多年,早幾年對方的演唱會,自己都有當客串嘉賓:「他知我唱得,今次才會再找我!」

現是否忙於湊孫少唱歌?黃百鳴笑指他不用湊孫少唱歌,是去玩孫,而他怕自己的歌聲會嚇親細孫,所以不會在他們面前唱歌。黃百鳴笑指其實唱歌沒難度,日內他更要與麥嘉一同演出舞台劇,到時會唱粵曲,因此要將對白、歌詞都先記熟。

### 再做司機 找男友補鐘 JW 叮囑對方要有耐性

香港文匯報訊(記者李思穎)林德信(Alex)、JW王灝兒昨日出席 Volkswagen 新車發佈會活動, Alex即場示範輪胎動作,又教JW做舒展動作。

Alex表示活動前與JW在同一髮型屋整頭,所以順道揸車載她到現場, JW踢爆 Alex在車上播放 old school 類型歌曲, 剛才兩人在車上如同唱卡拉OK, 十分好玩。

問到JW平日是否由男友充當柴可夫?她表示:「近日自己重執駕駛盤,想識多些路,雖然有車牌十年,但中間有段時間甚少駕駛,近日都要男友幫忙補鐘,因為我對九龍區道路不太熟悉,很容易蕩失路, (男友有否罵你蠢?) 開始時已叮囑男友要有耐性和不可鬧我,不然便會放棄不學,所以他特別有耐性和愛心地教我,亦有教我泊車技巧。」 Alex自言不喜歡開快車,是個安

全駕駛者,又自稱是全世界泊車最好的人,無論在斜路或窄小地方,可以一手一下入到,用一隻手指控制軚盤也沒難度,笑言這方面可能是最叻!問到坐他車的女生都很放心? Alex故意拉開話題:「剛才冇讓JW聽自己新歌。」JW整盤Alex幫傳媒追問他冇唱新歌給其他女仔聽,又可有接載其他女仔? Alex尷尬笑說:「有接載和唱歌給四歲姨甥女聽。」接着提議回程時交由JW駕駛, JW即場拒絕,怕會弄花他的座駕,並透露近日跟朋友看世界盃,因朋友飲酒不能駕駛,所以她要當「待駕」的人。



林德信順道揸車載 JW 到活動現場。

## 李施嬅渴望生B 想黏譚俊彥旺氣

香港文匯報訊(記者梁靜儀)陳展鵬、譚俊彥(Shawn)、李施嬅、陳山聰、陳自瑤、何雁詩及張國強等,昨到啟業邨為無線劇集《天命》宣傳。眾人分組玩遊



譚俊彥 李施嬅

戲,陳山聰要蒙眼試食,何雁詩餵他吃蘇打餅時笑說:「我成日用嘅。」陳山聰很快就估中,並抵死笑說:「你唔好擲出嚟呀。」

展鵬表示近半年多了去街市買餸,因為有些湯水要自己煲給媽咪飲,他笑說:「咩都學吓,最緊要識到街市每一個檔。」說到他做了住家男?他卻說因此而被入寸:「係呀,轉咗形象,畀單文柔寸過,唔想我咁快轉個形象。」問到他媽咪身體情況?展鵬表示沒有惡化,進步中,但比較緩慢。

譚俊彥表示雖然近日要忙拍新劇,但每日都會趁有空檔在化妝間追劇。問到父親狄龍可有睇?他笑說:「今朝老實話好似佢自己做緊,可唔可以話佢好自戀呢?你知佢好多四字成語嘍,細個都有教過我。」

劇中 Shawn 與施嬅飾演一對,二人又讚對方演得好,又透露二人將有激烈床戲:「只係條張床做,唔係啲啲床戲,係情緒好激啫。」他又回想當日拍到陳自瑤懷孕的戲份時,剛好就接到太太通知懷了第二胎,如今二仔已十一個月大了。他又笑言很旺合作的演員,他們都很容易懷孕,恨生仔的施嬅聞言即說:「咁你旺埋我啦,我都想生,一定會生,不過我鍾意女多啲。」

她又透露已恭喜了宣佈懷孕的好友李亞男,並羨慕的說:「見到佢哋有小朋友好羨慕,《處女黨》個個都生,我哋就咁查兒, (入錯黨?) 唔係嘅,我哋呢班好勤力做嘢,我同定欣都想生,但搵唔到人同我哋生。」

## 衛詩雅怕跟農夫演對手戲

香港文匯報訊(記者梁靜儀)張兆輝(輝哥)、農夫、衛詩雅、劉以達、錢小豪、陳嘉佳、夏尉喻(寸嘴 Barbie)及新人勞浩羽等,前日到屯門出席電影《笑林寺》開鏡拜神。久未露面的夏尉喻以低胸連身裙谷胸現身。客串演出的輝哥,笑言今次又是演警察,拍之前也有問過導演,想他演搞笑的警察還是正路的警察,導演就說不用他搞笑了,因為其他的演員還有農夫及劉以達。之前他和劉以達已拍了對手戲,問對是否忍笑忍得好辛苦?他說:「都唔係,嗰場戲同佢都好正常交對白,但可能係係咁,出嚟變咗搞笑。」

農夫自爆今次的片酬是他們從影有史以來最好一部,他們說:

「因為我哋片酬一向太低,人哋畀得呢個片酬證明我哋係值得呢個價,好似有啲進步咁,好耐之前試過貼錢去拍戲, (當年為爭取名度貼錢都要拍?) 係為興趣、為藝術。」戲中他們飾演劉以達的徒弟,他們表示合作得很開心,笑言今次又是演對白;他們笑說:「當然接唔到,因為佢自己都接唔到。」

衛詩雅笑言知道與農夫有對手戲都驚了晚,原本前日還要有對手戲要拍,但臨時改了劇本,她坦言驚的原因是怕自己忍不到笑:「佢哋個腦轉得太快,所以都怕接唔到。平時出席活動見到佢哋都要避開,因佢哋成日語言上整蠱我,真係唔夠佢哋嚟,對農夫又期待又驚。」她又透露戲

中和陸永是演情侶,但就沒有咀戲,還有一個好犀利的造型,會好核突,滿面暗瘡、雀斑、哨牙、戴眼鏡,試完造型好興奮,她又介意扮醜女。



衛詩雅跟農夫合作拍《笑林寺》。